

宋
名
家
詞

惜香樂府卷六

冬景

滿庭芳

十月念六日大雪作此呈社人

晚色沉沉雨聲寂莫夜寒初凍雲頭曉來皆砌
一奩冷光浮目斷江天靄靄低迷映綠竹修修
多才客高吟柳絮還更上層樓烹茶新試水
人間清楚物外遨遊勝似他銷金暝帳情柔細
看流風迴舞終日價淺酌輕謳醺醺地美人翻

曲消盡古今愁

御街行

雨夜

晚來無奈傷心處見紅葉隨風舞解鞍還向亂
山深黃昏後不成情緒先來離恨打疊不下天
氣還淒楚風兒住後雲來去裝撰些兒雨無
眠托首對孤燈好語向誰分付從來煩惱嚇得
膽碎此度難擔負

有有令

歲殘

前山減翠疎竹度輕風日移金影碎還又年華
算看看是新春至邯鄲更堪有個人人似花似玉
溫柔伶俐準擬恩情忔戲拈弄上則人難比
我也埋根豎柱你也爭些氣大家一捺頭地美
中更美厮守定芙蓉百歲

一剪梅

或刻擲破醜
奴兒○梅詞

樹頭紅葉飛都盡景物淒涼秀出羣芳又見江
梅淺淡粧也囉真個是可人香蘭魂蕙魄應

羞死獨占風光夢斷高堂月送疎枝過女牆也
囉真個是可人香

臨江仙

日暮舟中月明寒甚憶煥春詞

日欲低時江景好暮山紫翠重重釣筒收盡碧
潭空一舸霜夜月兩岸荻花風遙憶煥春新
向火黃昏下了簾櫳水村漁浦艤孤蓬簞衾愁
夢斷無夢轉愁濃

南歌子

夜坐

霜結凝寒夜星輝識曉晴蘭膏重別且教明爲
照梢頭香縷一絲輕坐久看看困新詞綴未
成梅花熏得酒初醒更向耳邊低道月三更

永遇樂

霜詞

宵露珠零濺冰花薄凝瑞偏早月練輕翻風刀
碎剪青女呈纖巧微丹楓纈低摧蕉尾不覺半
池蓮倒最好是千林橘柚輕黃一村封了佳
人指冷暗驚羅幙一夜斜飛多少怕倚銀屏愁

惜香樂府

卷之六
六十九

汲古閣

看玉砌金菊鮮鮮
曉傷嗟傳粉佳期還未何處
冷沾衣透爭知人臨鸞試罷與梅共瘦

玉蝴蝶

詞雪

片片空中剪水巧粧春色照耀江湖漸覺花毬
轉柳花陣飛榆散銀盃時時逐鳥翻綺帶一一
隨車徧簾隅寒生水筋光剖明珠應須淺斟
低唱璫垂紅帳獸焚金爐更向高樓縱觀吟醉
謝娘扶靜時聞竹聲崑谷漫不見禽影江湖儘

躊躇歌闌寶玉賦就相如

瀟湘夜雨

燈詞

斜點銀缸高擎蓮炬夜寒不奈微風重重簾幙
掩堂中香漸遠長煙裊毵光不定寒影搖紅偏
奇處當庭月暗吐焰如虹紅裳呈豔麗娥一
見無奈狂蹤試煩他纖手捲上紗籠開正好銀
花照夜堆不盡金粟凝空叮嚀語頻將好事來
報主人公

惜香樂府

卷之六
七十

汲古閣

念奴嬌

夜寒有感

據爐肅坐聽瓶笙別有天然宮徵紙帳屏山渾
不俗寫出江南煙水繁短燈青灰閒香軟所欠
惟梅矣風飛無定數聲時顫窗紙試問夜已
何其呼童起看月上東牕未天外忽聞征雁過
還把音書來寄短笠埋煙輕簑鳴雨已辦征船
計放教歸去故鄉江上魚美

似娘兒

何刻擬破醜奴兒
誤○冬日有感

又是兩分攜顚顚損看怎醫治煙村一帶寒紅
遶悲風紅蕖殘陽暮草還似年時愁緒暗猶
夷謾屈指數遍歸期短檠燈燼無人問此時只
有窗前素月剛伴相思

柳梢青

過何郎石
見早梅

雲暗天低楓林凋翠寒雁聲悲茆店兒前竹籬
已後初見橫枝盈盈粉面香肌記月榭當年
見伊有恨難傳無腸可斷立馬多時

祝英臺近

武陵寄煥

記臨岐銷黯處離恨慘歌舞恰是江梅開遍小
春算斷腸一曲金衣兩行玉筋酒闌後欲行難
去惡情緒因念錦幄香奩別來負情素冷落
深閨知解怨人否料應寶瑟慵彈露華嬾傳對
鸞鏡終朝凝竚

點絳脣

夜飲青雲樓聞更漏近如在
脚底因思向事追念故作

瓦溼鴛鴦夜深霜重江風冷月華明映清浸梅

梢粉 漏斷寒濃惹起當年恨君休問雁飛欲
盡沒個南來信

又

當日相逢枕衾清夜紗窗冷翠梅低映汗溼香
腮粉 美滿風情結下無窮恨憑誰問此心難
盡說與他爭信

又

對景有感

雪霽山橫翠濤擁起千重恨砌成愁悶那更梅

花褪 鳳管雲笙無不縈方寸叮嚀問淚痕羞
搵界破香腮粉

柳梢青

東園餘作

千林落葉聲聲悽慘江皋雁飛難似玉肌總驚
花貌壓倒芳菲 香心吐盡因誰料調鼎工夫
易期休唱陽關莫歌白雪雨淚沾衣

西江月

雪江見紅梅對酒

背日猶餘殘雪向陽初綻紅梅臘寒郵事更相

宜醉了還醒又醉
堪笑多愁早老管他閒是
閒非對花酌酒兩忘機
唱個哩謔囉哩

眼兒媚

霜夜對月

一鉤新月照西樓
清夜思悠悠
那堪更被征鴻
嘹唳絆惹離愁
倚欄不語情如醉
都總寄眉頭
從前只爲惜他
伶俐舉措風流

別怨

寒霜

嬌馬頻嘶曉霜濃
寒色侵衣鳳帷私
語處翻成

離怨不勝悲
更與叮嚀祝後期
素約諧心事
重來了比看相思如何見
得明年春事濃時穩
藥金驀更來爛醉玉東西

減字木蘭花

冬日飲別趙德遠

小春天氣未
唱陽關心已醉
紅蓼秋容後會何
時得再逢
歸朝好事仰看
皇州揚雨露百里
恩波擬欲留公
無奈何

好事近

饒趙知丞席上作

去路馬蹄輕正是小春時節愛日煖煖江樹綴
梅梢新雪 范滂攬轡正澄清知我公明潔分
此仁風愷悌濟鄰邦歡悅

霜天曉角

霜夜小酌

閣兒幽靜處圍爐面小窗好是鬪頭兒坐梅煙
炷返魂香 對火怯夜冷猛飲消漏長飲罷且
收拾睡斜月照滿簾霜

鷓鴣天

霜夜

寶篆龍煤燒欲殘
細聽銅漏已更闌
紗窗斜月移梅影
特地籠燈仔細看
幽夢斷舊盟寒邨
時在曲小屏山
風光得似而今
不肯把花枝作
等閒

暮山溪

和曹元寵
韻

玉妃整佩絳節參差御
一笑喚春回正江南天
寒歲暮孤標獨立占
斷世間香雲屋冷雪籬深
長記西湖路
人間塵土不是留花處
羌管一

聲催碎瓊瑤紛紛似雨枝頭著子聊與世調羹
功就後盍歸休還記來時不

浣溪沙

梅賦

雪壓前邨曲徑迷萬山寒立玉參差孤舟獨釣
一簑歸別塢時聽風折竹斷橋閒看水流漸
一枝凍蕊出疎籬

又

初冬

風捲霜林葉葉飛雁橫寒影一行低淡煙衰草

不勝詩 白酒已筋浮
蟻熟黃雞未老藁頭肥
問儂不醉待何時

又

梅

憶爲梅花醉不醒
斷橋流水去無聲
鷺翹沙嘴亦多情
疎影臥波波不動
暗香浮月月微明
高樓羌管未須橫

點絳脣

月夜

離緒千重角聲偏著
羈人枕邯鄲酒醒勾引愁

難整 門鎖黃昏月浸梅花冷人初靜斗坐天
迴雁落清江影

鷓鴣天

霜夜

門外寒江泊小船月明留客小窗前夜香燒盡
更聲遠斗帳低坐煖意生 醺著酒炙些燈伴
他針線嬾成眠情知今夜鴛鴦夢不似孤篷宿
雁邊

望江南

霜天有感

惜香樂府

卷之六
七十六

汲古閣

山又水雲岫插峰巒斷雁飛時霜月冷亂鴉啼
處日啣山疑在畫圖間金烏轉遊子損朱顏
別淚盈襟雙袖溼春心不放兩眉閒此去幾時
還

玉樓春

月 臘

尋真誤入桃源洞草草幽歡聊與共牢籠風月
此時情做造溪山今夜夢柳條未放金絲弄
梅萼已經霜雪凍新來愁恨重如山不信馬兒

駝得動

鵲橋仙

寒梅

溪清水淺霜明月淡玉破梅梢未遍寒枝纖瘦
乃如無但空裏飛花數片
寒風欲去凌波難
駐惟見紅愁粉怨夜深青女溼霓裳暗香在廣
寒宮殿

菩薩蠻

初冬旅思

楓林颯颯凋寒葉汀蘋敗蓼遙相接景物已非

惜香樂府

卷之六
七十七

汲古閣

秋淒涼動客愁
還家貧亦好肯厭盃中草香
飯滑流匙三登快樂時

又

霜天
旅思

霜風颯颯溪山碧
寒波一望傷行色
落日淡荒村
人家半掩門
孤舟移野渡
古木棲鴉聚
著雨晚風酸
貂裘不奈寒

又

初冬

敗荷倒盡芙蓉老
寒光黯淡迷衰草
行客易銷

魂笛飛何處村
雲寒天借碧樹瘦煙籠直若
個是鄉關夕陽西去山

阮郎歸

客中
見梅

年年爲客遍天涯
夢遲歸路賒
無端星月漫窗
紗一枝寒影斜
腸未斷鬢先華
新來瘦轉加
角聲吹徹小梅花
夜長人憶家

霜天曉角

詠梅

香來不歇誰把南枝折的
礫疎花初破都因是

夜來雪 清絕十分絕孤標難細說獨立野塘
清淺誰作半空夜月

又

和梅

雪花飛歇好向前村折行至斷橋斜處寒蕤瘦
不禁雪 韵絕香更絕歸來人笑說最愛夜堂
深迥疎影占半窗月

菩薩蠻

初冬旅中

客帆卸盡風初定夜空霜落吳江冷幸自不思

歸無端鳥夜啼 雞鳴殘月落到枕秋聲惡有
酒不須斟酒深愁轉深

憶秦娥

初冬

寒蕭索征鴻過盡離懷惡離懷惡江空天迥夜
寒楓落 有人應誤刀頭約情深翻恨郎情薄
郎情薄夢回長是半床閒却

如夢令

漢上
晚步

何處一聲鳴鴈驚起滿川寒鷺一著画難成雪

霽亂山無數且住且住數遍溪南煙樹

惜香樂府卷六

惜香樂府卷七

總詞

水龍吟

仙源居士有武林之行因與一二友攜酒賞月飲于縣橋之中乃卽

事爲
之詞

危樓橫枕清江上兩岸碧山如画夕煙羃羃晚
燈點點樓臺新夜明月當天白沙流水冷光連
野漫欄千萬頃琉璃軟皺打漁艇相高下何
處一聲羌管是誰家倚樓人也多情對景無言

有恨欲歌還罷把酒臨筵阿誰知我此懷難寫
忍思量後夜芳容不似暗塵隨馬

水調歌頭

元日客
寧都

離愁晚如織托酒與消磨奈何酒薄愁重越醉
越愁多忍對碧天好夜皓月流光無際光影轉
庭柯有恨空垂淚無語但悲歌因凝想從別
後促雙娥春來底事孤負紫袖與江韓速整雕
鞍歸去著意淺斟低唱細看小婆娑萬莖千花

裏一任玉顏駝

水龍吟

江樓席上歌姬盼盼翠鬟侑樽酒
行彈琵琶曲舞梁州醉語贈之

酒潮勻頰雙眸溜美映遠山橫秀風流俊雅嬌
癡體態眼前稀有蓮步彎彎移歸拍裏凌波難
偶對仙源醉眼玉纖籠巧撥新聲魚紋皺我
自多情多病對人前只推傷酒瞞他不得詩情
嬾倦沈腰銷瘦多謝東君慇懃知我曲翻紅袖
拚來朝又是扶頭不起江樓知不

念奴嬌

小飲江亭有作

夕陽低盡望楚天空闊
稀星簾幙暮靄橫江煙
萬縷照水參差樓閣兩兩三三
樓前歸鷺飛過
攔干角霜風何事遠檐吹動寂莫
消散我已
忘機而今百念灰了
心頭火對酒當歌渾冷淡
一任他懣嗔惡松竹園林
柳梧庭院自有人間
樂閒雲休問去來本是無著

水調歌頭

懷道

貪癡無了日人事沒休期白駒過隙百歲能得
幾多時自古腰金結綬著意經營辛苦回首不
勝悲名未能安穩身已致傾危空剗剗休巧
詐莫心欺須知天定只見高塚與新碑我已從
頭識破贏得當歌臨酒歡笑且隨宜較甚榮和
辱爭甚是和非

水龍吟

自遣

煦曾著意斟量過天下事無窮盡貪榮貪富朝

思夕計空勞方寸躡足封王功名蓋世誰如韓
信更堆金積玉石崇豪侈當時望傾西晉長
樂宮中一嘆又何須繫懸印吹樓效死輕車東
市頭膏血亦尤物虛名於身何補一齊休問遇
當歌臨酒舒眉展眼且隨緣分

驀山溪

午坐壺天冰雪風
傳琵琶有感而作

壺天冰雪消盡虛堂暑多謝故人□風送花香
傳小樹香風初過一曲斷腸聲如怨訴訴閒愁

落落琵琶語 江邊馬上彈指成千古淚眼與
啼粧嘆風流只今何處芳心役損觸事起悲酸
招玉素撥檀槽整理金衣縷

念奴嬌

席上
卽事

精神俊雅夏邨堪天與風流標格羅綺叢中偏
豔冶偷處教人怜惜目剪秋波指纖春筍新樣
冠兒直高唐雲雨甚人有分消得 忔戲笑裏
含羞回眸低盼此意誰能識密約幽歡空悵望

何日能諧端的玳席歌餘蘭堂香散此際愁如
織人歸空對晚陰庭樹橫碧

瑞鶴仙

歸寧都因成
寄與香諸院

無言屈指也算年年底事長爲旅也恹惶受盡
也把良辰美景總成虛也自嗟嘆也這情懷如
何訴也設愁明怕暗單栖獨宿怎生禁也閒
也有時臨鏡漸覺形容日銷減也光陰換也空
辜負少年也念仙源深處暝香小院贏得群花

怨也是虧他見了多教罵幾句也

驀山溪

遺懷

無非無是好個閒居士衣食不求人又識得三
文兩字不貪不偽一味樂天真三徑裏四時花
隨分堪遊戲學些沓拖也似沒意志詩酒度
流年熟諳得無爭三昧風波岐路成敗霎時間
你富貴你榮華我自關門睡

青玉案

德遠歸越因
作此餞行

東門楊柳空盈路
繫得征鞍能駐不
暗綠枝頭
新過雨柔絲千尺
乳鴛百轉似怨行人去
行
人去後知何處
去向天邊遶鵝鷺
瑤管瓊臺多
雅趣花磚穩上玉堦闊
步肯念人塵土

虞美人

江鄉對景

雨聲破曉催行槳
拍拍溪流長
綠楊遶岸水痕
斜恰似画橋西畔
邨人家
人家樓閣臨江渚
應是停歌舞
珠簾整日不開鉤
月斷征帆猶未

識歸舟

又

送別

燈前忍見啼紅面別酒頻斟
勸愁娥歛翠不勝
情報道看看天色待平明
慇懃重把陽關唱
休要教人望出門猶自尙叮嚀
厮養頻催恰好
趣涼行

臨江仙

楊柳

十里春風楊柳路年年帶雨披雲
柔條萬縷不

勝情還將無意眼識遍有心人
餓損宮腰終不似効顰總是難成
只愁秋色入高林殘蟬和落葉
此際不堪論

漁家傲

旅中
遠思

客裏情懷誰可表淒涼舉目知多少
強飲強歌還強笑心悄悄從頭徹底
思量了當日相逢非草草果然恩愛
成煩惱穩整征鞍歸去好重廝守
相期待與同偕老

江神子

述情

當時得意兩心齊
綺窗西共于飛
拂掠宮粧長
與画新眉
一自別來煙水闊
愁易積
夢還稀
相逢却似舊家時
恨依依
語低低
多少關情冷
煥有誰知
只此定應諧
素願
但指日約鸞棲

御街行

柯山故人別後
改圖因作此

香薰斗帳相逢乍
正宮漏沉沉
夜月飛梅影上
簾櫳
標致風流嬌雅
眼波橫浸
照人百媚無限

惜香樂府

卷八十六

汲古閣

叮嚀話 玉鞍門上嘶
蹄馬 趙行色難留也
別來花豔不禁春
浪向東風輕嫁空
餘小院博山修竹
依舊窗兒下

一叢花

和張子野

當歌臨酒恨難窮
酒不似愁濃 風帆正起
歸與岸東西 芳草漫
茸茸 楚夢乍回 吳音
初聽 誰念我孤蹤
藏春小院 煥融融
眼色與心通 烏雲
有意重梳掠 便安排
金屋 房櫳雲雨厚
因鴛鴦

宿債作個好家風

天仙子

寓意

眼色媚人嬌欲度行盡巫陽雲又雨花時還復
見芳姿情幾許愁何許莫向耳邊傳好語 往
事悠悠曾記否忍聽黃鸝啼錦樹啼聲驚碎百
花心分付與誰爲主落盡飛紅知甚處

瑞鷓鴣

遣情

寶簪常見曉粧時面藥香融傳口脂擾擾親曾

撩綠鬢纖纖巧與画新眉
濃歡已散西風遠
憶淚無多爲你垂
各自從今好消遣
莫將紅葉浪題詩

又

寓意

結絲千緒不勝愁
莫怪安仁鬢早秋
檀口未歌先搵淚
柳眉將斂半凝羞
盃傾潏灩送行酒
岸艤飄飄欲去舟
待得名登天府後
歸來茱菊映釵頭

行香子

馬上有感

騎馬花驄柳陌經從小春天十里和風箇人家
住曲巷牆東好軒窗好體面好儀容 燭炮歌
慵斜月朦朧夜新寒斗帳香濃夢回画角雲雨
匆匆恨相逢恨分散恨情鍾

夜行船

詠美人

龜甲爐煙輕裊簾櫳靜乳鶯啼曉拂掠新粧時
宜頭面繡草冠兒小 衫子揉藍初著了身材

惜香樂府

卷之七
八十八

汲古閣

稱就中恰好手撚雙紈菱花重照帶朶宜男艸

採桑子

寓意

疎簾乍捲孜孜看冰玉精神體白停勻端的于
人不薄情 更無背約和焦燥各表真誠纔得
相親切莫分張向別人

蝶戀花

登樓晚望聞歌聲清婉而作

閒上西樓供遠望一曲新聲巧媚誰家唱獨倚
危欄聽半餉長江快瀉澄無浪 清淚恰同春

水漲拭盡重流觸事如何向不覺黃昏燈已上
舊愁還是新愁樣

又

天淨姮娥初整駕桂魄蟾輝來趁清和夜費盡
丹青無計画纖纖側向疎桐挂人在扶疎桐
影下耳畔輕輕細說家常話年少難留應不借
未歌先咽歌還罷

又

寧都半歲歸家欲別
去而意終不決也

惜香樂府

卷之十一
八十九

汲古閣

葉底蜂衙催日晚
向晚勻粧巧
画宮眉淺翠幙
無風香自遠
金船酌酒須教滿
未說別離魂
已斷雨幌雲屏只恐良宵短
心事不隨飛絮亂
宦情肯把恩情換

鷓鴣天

晨起忽見大鏡觀物思人有感而作

睡覺扶頭聽曉鐘
隔簾花霧溼香紅
翠搖鈿砌梧桐影
暝透羅襦芍藥風
閒對影記曾逢
画眉臨鏡霎時同
相思已有無窮恨
忍見孤鸞宿

鏡中

又

月夜諸院
飲酒行令

寶篆煙消香已殘
嬋娟月色浸欄干
歌喉不作尋常唱
酒令從他各自還
傳盃手莫教閒醉
紅潮臉媚酡顏相
攜共學驂鸞侶
却笑盧郎舊約寒

又

暇日泛舟遊客有嘆居士髮白者來竟
忽見臨江倚樓人因思向來有感作此

綠水澄江得勝遊
浪平風軟稱輕舟
樽前我易

傷前事柳外人誰獨倚樓
空感慨惜風流風
流羸得設多愁愁多著甚銷磨得莫怪安仁鬢
早秋

又

偶有辭興之便
書以寄文卿

一曲清歌金縷衣巧佼心事有誰知自從別後
難相見空解題紅寄好詩憶攜手過堦墀月
籠花影半明時玉釵頭上輕輕顫搖落釵頭豈
寇枝

眼兒媚

東院遠人乞詞醉
中書于裙帶三首

人隨社節去匆匆此恨幾時窮
陽臺寂莫巫山
淒慘雲雨成空
芭蕉密處窗兒下冷落舊香
中黃昏靜也蛩聲滿院明月清風

又

槐陰密處轉黃鸝
午日正長時一番過雨綠荷
池面冷浸琉璃
紅塵不到華堂裏纖楚對蛾
眉笑偎人道新詞覓個美底腔兒

又

當年策馬過錢塘
曲徑小平康
繁紅蹴白嬌鸞
咤燕爭喚何郎
而今又客東風裏
渾不似尋常
只愁別後月房雲
洞啼損紅粧

臨江仙

並妓夢雲對居士忽有
剪髮齊眉修道之語

蕊嫩花房無限好
東風一樣春
工百年歡笑酒樽
同笙吹雛鳳
語裙染石榴紅
且向五雲深處
住錦衾繡幌從容
如何即是出樊籠
蓬萊人

少到雲雨事難窮

又

予買一妾備慧敏之寫東坡字半年又工唱東坡詞命名文卿元約三年文卿不忍捨主歟母不容與議堅索之去今失于一農夫常常寄聲或片紙數字問訊仙源有感遂和其韻

破靨盈盈巧笑舉盃灩灩迎逢慧心端有謝娘
風燭花香霧嬌困面微紅別恨綵箋雖寄清
歌淺酌難同夢回楚館雨雲空相思春算愁滿
綠蕪中

又

夜坐夏深燭盡月明飲興未闕再酌命諸姬唱一詞

夜久笙簫吹徹夏深星斗還稀醉拈裙帶寫新
詩鎖窗風露燭炮月明時水調悠揚聲美幽
情彼此心知古香煙斷綵雲歸滿傾蕉葉齊唱
傳花枝

惜奴嬌

賦水仙花

洛浦嬌魂怨得到人間少把風流分付花貌六
出精神膈寒射香試到清秀與江梅爭相先後

簷蔔麝疎怎似妖嬈體調比山樊也應錯道
最是慇懃捧出金盞銀臺拚了仙源與奇葩醉
倒

惜香樂府一

九十三

卷七

惜香樂府卷七

惜香樂府卷八

總詞

水龍吟

無情風掠芭蕉響還是重門已閉銀缸獨對相
思方切教人怎睡解嘆從前事解嘆了依前驚
氣想他家那裏知人顚顚想應是睡也未且
恁和衣強寢奈無寐依前重起起來思想當初
與你忒煞容易及至而今也半頭天眼不存不

濟最消魂苦是黃昏前後冷清清地

水調歌頭

賞月

把酒相勞苦月色耀天章冰輪碾破寒碧飛入
酒樽涼擊節詞人妙句吸此清輝萬丈肺腑亦
生光攬袂欲仙舉逸興共天長日邊客幙中
俊坐間狂浩歌清嘯恍然雲海渺茫茫喚醒謫
仙蘇二何事常愁客少更恐被雲妨月與人長
好廣大醉爲鄉

水龍吟

詞雲

先來天與精神。更因麗景添殊態。拖輕冉冉，纔凝一段，還分五綵。畢竟非煙，有時爲雨，惹情無奈。道無心怎被，歌聲遏斷，遲遲向、青天外。宜伴先生醉臥。得饒到、和山須買。也曾惱殺襄王，誰道依前不會。我欲乘桴去，翻悵恨、帝鄉何在。念佳期未展，天長算、合儘空相對。

訴衷情

花前月下會鴛鴦分散兩情傷臨行祝付真意
臂間皓齒留香還更毒又何妨儘成瘡瘡兒
可後痕兒見在見後思量

滿江紅

懊惱平生奈天賦恩情太薄二三歲看伊受盡
眼尖眉角記得當初低耳畔是誰先有干飛約
惟到今剗地誤盟言還先惡天眼見人難度
天易感人難托人心險天又怎生捉摸莫問傷

人非與是手兒但把心兒托便不成厮守許多
時乾休却

賀新郎

負你千行淚大都來一寸心兒萬般縈繫似恁
愁煩卹裏泊故自三年二歲爲你後甘心顚顚
終待說山盟海誓這恩情到此非容易拚做個
久長計緊要事須評議怕人人驀地知時怎
生處置毒害心腸祇知是怕你生煩到底便莫

待將人輕棄不是我多疑你被傍人賺後失圈
圓經一事長一智

好事近

喜氣擁門闌光動綺羅香陌行到紫薇花下悟
身非凡客不須朱粉汗天真嫌怕太紅白留
取黛眉淺處画章臺春色

眼兒媚

連滄危觀莽江前幾醉使君筵少年俊氣曾將

吟筆買斷江天 重來細把朋遊數回首一辛
酸蘭城已老文園多病負此江山

簇水

長憶當初是他見我心先有一鉤纔下便引得
魚兒開口好事重門深院寂莫黃昏後厮覷著
一面兒酒 試擱就便把我得人意處閨子裏
施纖手雲情雨意似十二巫山舊更向枕前言
約許我長相守歡人也猶自睂頭皺

青杏兒

舊刻攤破
醜奴兒非

最苦是離愁行坐裏只在心頭待要作個巫山
夢孤衾展轉無眠到曉和夢都休夢裏也無
由誰敢望真個綢繆暫時不見渾閒事只愁柳
絮楊花自來擺蕩難留

夏漏子

燭消紅窗送白冷落一衾寒色鴉喚起馬跑行
月來衣上明酒香唇粧印臂憶共個人人睡

魂蝶亂夢驚孤知他睡也未

浣溪沙

一味風流一味香十分濃豔十分粧自然嬌態
自然芳樓上好風樓下水雪前攔檻竹前窗
也宜單著也宜雙

又

惻惻笙竿萬籟風陽關疊遍酒尊空相逢草草
別匆匆滿眼淚珠和雨灑一襟愁緒抵秋濃

相思今夜五雲東

漢宮春

講柳談花我從來口快歡說他家眼前見了無限楚女吳姬千停萬穩較量來終不如他便做得宮儀院體歌談不帶煙花從前萬事堪誇愛拈牋弄管錦字欹斜新來與人牖著不許胡巴豪懣謾惹料福緣淺似地些誰爲傳詩遞曲慇懃題上窗紗

雨中花慢

把子分香羅巾拭淚別來時未覓淒惶上得船
兒來了剗地淒涼可惜花前月裏却成水遠山
長做成恩愛如今贏得萬里千鄉情知這場
寂莫不干你事傷我窮忙不道是久長活路終
要稱量我則匆匆歸去知你且種種隨娘下梢
睚徹有時笑你風光

柳梢青

惜香樂府

九十九

汲古閣

小窗閒適雲髻彈香肩肌偎膝玉扇無塵明瓊
欲碎春纖同擲不爭百萬呼盧賭今夜鴛帷
痛惜好忍馬兒若還輸了當甚則劇

玉團兒

鉛華淡竚新粧束好風韻天然異俗彼此知名
雖然初見情分先熟爐煙淡淡雲屏曲睡半
醒生香透肉賴得相逢若還虛度生世不足

南歌子

梅萼和霜曉梨花帶雪春玉肌瓊豔本無塵肯
把鉛華容易污天真 湯餅嘗初罷羅巾拭轉
新幾回貪耍失黃昏月裏歸來無處覓精神

臨江仙

人在夢雲樓上別殘燈影裏遲留依稀綠慘更
紅羞露痕雙臉溼山樣兩眉愁 幾幅片帆天
際去雲濤煙浪悠悠今宵獨立古江頭水腥魚
菜市風碎荻花舟

鷓鴣天

只有梅花似玉容
雪窗月戶幾尊同
見來怨眼
明秋水欲去愁眉淡
遠峯山萬疊水千重
一雙蝴蝶夢能通
都將淚作黃梅雨
盡把情爲柳絮風

又

小院深明別有天花能笑語
柳能眠雪肌得酒
千中暝蓮步凌波分外妍
釵燕重髻荷偏兩

山斜疊翠連娟朝雲無限矜春態算雨情知夏
可伶

浣溪沙

画角聲沉捲暮霞寒生促索錦屏遮沉檀半爇
髻堆鴉蝴蝶夢回餘燭影子規啼處隔窗紗
夜深明月浸梨花

浪淘沙

簾捲露花容幾度相逢他知我意欲相通偏奈

天教多阻間積恨何窮
雲雨杳無蹤愁怕東
風時聞語笑恣歡濃
惟有俺咱真分淺
往事成空

眼兒嬌

始與官妓往來中道相棄遂以小字刺于眉間故作此詞

雲間藏一點飛鴉
休把翠鈿遮
二年三歲千擱
百就今日天涯
奴今有似風前絮
飛入邨人家
你還下得除非睡起
不照菱花

如夢令

竹外半窺嬌面真個出塵體段沒處可偷怜空
恁眼穿腸斷休戀休戀只是與伊分淺

浣溪沙

閒理絲簧聽好音西樓剪燭夜深深半嗔半喜
此時心 煖語溫存無恙語韵開香靨笑吟吟
別來煩惱到如今

減字木蘭花

陽關唱徹斷盡離腸聲哽咽酒已三巡今夜王

小
孫是路人
此情難說莫負等閒風與月欲問
歸期來戴釵頭艾虎兒

又

半窗斜月茆店蕭條燈已滅床下蛩聲聲動淒涼不忍聽
終宵無寐覆去翻來真箇是屈指
歸期應是梅花爛熳時

夜行船

送胡彥直歸
郡醉中作

短棹輕舟排辦了歌聲斷晚霞殘照紅蓼坡頭

綠楊堤外離恨知多少
別後莫教音信杳
嘆
光陰自來堪笑
画角譙門槐溪歸路
正是楚天
曉

眼兒嬌

玉樓初見念奴嬌
無處不妖嬈
眼傳密意樽前
燭外怎不魂消
西風明月相逢
夜枕簾正涼
宵
帶人記得叮嚀
殘漏且慢明朝

品令

黃昏時候諂不語心如醉無眠凝想別來繡閣
多應顚顚上了燈兒知是睡哩坐哩 驀思歸
計又還是重屈指從今已後睽離千萬且休容
易這底恓惶你看是誰不是

柳梢青

甜言軟語長記那時蕭娘叮囑清筦危絃前歡
難繼鱗鴻無據 紛紛眼底浮花拈弄動幾多
思慮千結丁香且須珍重休胡分付

浣溪沙

金獸噴香瑞靄氛夜涼如水酒醺醺照人嬌眼
媚生春我自愁多魂已斷不禁楚雨帶巫雲
人情又是一番新

又

坐看銷金煥帳中羔兒酒美獸煤紅淺斟低唱
好家風愛客東君多解事晚粧新與画眉峯
便須催喚出房櫳

又

堆枕冠兒翡翠釵蒙金領子滿絳幘子中沉淨
好情懷 新浴晚涼梳洗罷半嬌微笑下堂來
蓮花因甚未曾開

臨江仙

天外濃雲雲外雨雨聲初上檐牙紅蕖應褪洗
粧花晚涼如有意霽霽到山家 爲喚山童多
索酒金鍾細酌流霞暈生玉頰酒潮斜閒中無

寵辱醉裏是生涯

夜行船

送張希舜
歸南城

綠蓋紅幢籠碧水魚跳處浪痕勻碎惜別慙勤
留連無計歌聲與淚和柔脆一葉扁舟煙浪裏
曲灘頭此情無際窈窕眉山暮霞紅處雨雲想
翠峰十二

浪淘沙

窈窕繡幃深窈窕娉婷梅花初試晚粧新卹夏

惜香樂府

卷之八
一百五

汲古閣

嬌癡年紀小冰雪精神
舉措忒輕盈歌徹新
聲柔腸魂斷不堪聽
但恐巫山留不住飛作行
雲

如夢令

居士年來嬾散凡事只從寬
簡身外更無求祇
要夏涼冬煖美滿美滿得過
何須積趲

卜算子

十載仰高明一見心相許
來日孤舟西水門風

飽征帆腹 後夜起相思
明月清江曲 若見秋風寒
雁來能寄音書否

眼兒嬌

先來客路足傷悲
卽話別離玉驄也解知人
欲去驤首頻嘶 馬蹄動是
三千里後會莫相違
切須覓把丁香珍重待我
重期

惜香樂府

一

一百六

汲古閣

惜香樂府卷八

惜香樂府卷九

總詞

南鄉子

楚楚窄衣裳腰身占却多少風光
笑說春來春去事淒涼
嬾對菱花暈曉粧
閒立近紅芳
遊蜂戲蝶悞採真
香何事不歸巫峽去
思量故來塵世斷人腸

又

月轉水晶盤樓上初聞一鼓殘又是去年天氣
好攔干風動梅梢玉關寒無奈壯情闌對酒
如何欲強歡誰道破愁須仗酒君看酒到愁多
破亦難

謁金門

和德遠

燈乍滅忽見一天明月恰舞霓裳歌未歇露寒
回絳闕羽服明暉玉雪笑語輕叅環玦香澤
惱人情不徹夜長窗自白

又

和宗人

傷離索猶記竝肩池閣多病起來閒倚薄一秋
天氣惡玉臂都寬金約歌舞新來忘却回首
故人天一角半江楓又落

一剪梅

紅藕香殘碧樹秋羞解羅襦偷上蘭舟雲中誰
寄錦書來雁字回時月滿西樓花自飄零水
自流一種相思兩處閒愁酒醒夢斷數殘更舊

恨前歡總上心頭

點絳脣

雲鞦宮鬟淡黃衫子輕香透晚涼時候睡起新粧就
冰枕生寒玉漫漫纖纖手沉吟久眉山歛
秀愛道奴家瘦

又

舊刻此首後有浣溪沙二首是毛東堂作今俱刪去

煙洗風梳司花先放江梅吐竹村沙路脉脉搖
寒雨 醉龜吟魂無着清香處愁如縷繫春不

住又折冰枝去

菩薩蠻

江城風火連三月不堪對酒江亭別休作斷腸
聲老來無淚傾風高帆影疾目送舟痕碧錦
字幾時來黯風無雁回

又

春山已蹙眉峰綠春心駘蕩難拘束惆悵爲春
傷惜花心更狂對花深有意且向花前醉花

作有情香與人相久長

画堂春

當時巧笑記相逢
玉梅枝上玲瓏酒盃流處已
愁濃寒雁橫空
去程無計更從容
到歸來好事
匆匆一時分付不言中
此恨難窮

如夢令

寄蔡堅老

居士年來病酒肉
食百不宜口
蒲合與波稜更
着同蒿葱韭
親手親手分送
臥龍詩友

又

別恨眉尖無數後夜王孫何處歌館與粧樓目
斷行雲凝竚凝竚凝竚憶淚千行紅雨

菩薩蠻

隔江一帶春山好平林新綠春光老休去倚闌
干飛紅一忍看東流何處去便是歸舟路芳
草外斜陽行人更斷腸

長相思

惜香樂府

卷之九
一百十

汲古閣

歛愁眉恨依依腸斷關情怨別離雲中過雁悲
瘦因誰病因誰屈指無言忖後期此時人怎
知

柳梢青

瀟灑仙源天桃穠李曾對華筵歌媚驚塵舞鸞
低月滿勸金船鑑湖煙水連天政婦棹紅粧
鬪妍花霧香中人詢居士切莫多傳

賀生辰

好事近

賀德遠

不羨八千椿不羨三偷桃客也不羨他龜鶴一
總爲凡物羨君恰似老人星長明無休息好
與中興賢主立維城勛績

朝中措

上錢知羣符主
管朱知錄三首

南樓風物一番新春算畀斯民豈但仁人愷弟
更兼政事如神人生最貴榮登五馬千里蒙
恩祇恐促歸廊廟去思有脚陽春

惜香樂府

卷之九
一百一十一

汲古閣

又

文章學業繼家聲名譽壓羣英
早歲掀騰膺仕如公富貴難并
定膺丹詔朱輪迅召陶冶蒼
生自是鹽梅姿質佇看大手調羹

又

先生德行冠南豐錦繡作心胸
暫屈徒勞州縣文章後進宗工
督郵綱紀才高幕府雅望尤
崇此去定膺光寵且須滿醉西東

念奴嬌

上張南豐生日

桂華蟾魄到中秋祇有人聞一六浩渺清風因
喚起千里吹飛鴻鵠碧落翻花瑤空隱瑞聲節
琅玕筑板懷玉燕此時嘉夢重育始信石在
丹臺瞳方八百子已三千熟麟脯靈瓜那更有
瓊輦神仙醺醖秋水春山柳腰花面一醉霓裳
曲長生清淨自然何用辟穀

好事近

江上一江樓樓上遠山橫翠還更腰金騎鶴引
竹西歌吹壽君春酒遣雙壺滿引見深意肯
向龜荷香裏喚儂來同醉

又

劒水霑歡聲喜慶間生人傑一段葱葱佳氣扇
熏風時節今朝銀艾佐琴堂爭把壽香焚去
去鳳皇池上見龜巢連葉

柳長春

上董倅

梅喜先春雁驚未臘于門瑞氣浮周匝正當月
應上絃時長庚夢與良辰合螺水恩濃盱江
德洽壽盃勸處燃紅蠟明年此際祝遐齡賀賓
一一趨東閣

武陵春

上馬宰

又是新逢三五夜瑞氣靄氤氲萬點燈和月色
新桃李倍添春花縣主人情息好行樂逐良
辰滿引千鍾酒又醇歌韻動梁塵

惜香樂府

卷之九
一百十三

汲古閣

臨江仙

上祝
承

天祐炎圖生國瑞
藍田暫屈英僚始知文宿降
璇霄中元前五日七夕後三朝
江毀風流臨此政
少年瀟灑奇標行看峻擢相
熙朝功名前稷契壽算等松喬

喜遷鶯

上魏
安撫

商飈輕透動簾幙
飛梧亂飄庭甃瑞氣氤氳沉
檀初爇煙噴寶臺金獸黃花美酒天教占得先

他時候誕元老慶有聲此夕降生華胄 歡笑
宜稱壽絃管鼎沸宮商方頻奏滿捧瑤卮華堂
歌舞拍轉金釵斜溜朱顏綠鬢慙勤深願鎮長
如舊嘆濱海道難留指日榮遷飛驟

鵲橋仙

上張
宣機

雲峰初歛秋容如洗庭院金風初扇蔥蔥佳氣
靄侯門信天上麒麟乍見 祝君此去飛黃騰
踏日侍凝旒邃晃和羹調味早歸來坐看取蓬

惜香樂府

卷之九
一百十四

汲古閣

萊清淺

惜香樂府卷九

惜香樂府卷十

拾遺

柳梢青

晴雪樓臺試燈簾幙適是元宵羅綺嬌春帝城
風景今夜應饒爭知我繫如匏便佳月良天
任教早閉柴門從他簫鼓細打輕敲

賀新郎

世諦人多錯阿誰將虛名微利放教輕著萬事

莫非前定了選甚微如飲酌算徒詫龍韜豹畧
縱使龍頭安尺木要從救豹變生三角渾是夢
恍如昨 吾廬自笑常虎廊對殘編磨穿枯硯
生涯微薄負郭田園能有幾隨分安貧守約要
不改簞瓢顏樂西掖北扉終須到且嘲風咏月
常相謔要要甚萬金藥

東坡引

舊刻此首後有滿庭芳一首是山谷作今刪去

茅簷無客至冰硯凍寒泚南枝喜入新詩裏惱

人頻嚼蕊惱人頻嚼蕊
因思去臘江頭醉倚
動客興傷春意經年自嘆人如寄
光陰如撚指
光陰如撚指

杏花天

乍涼浙浙風生幕人獨在朱欄翠閣
吹簫信杳
爐香薄眉上新愁又覺
從前事擬將拚却夢
不斷花梢柳萼一盃睡起誰同酌
斜日陰陰轉
角

惜香樂府

卷之十
一百十六

汲古閣

臨江仙

遠岫螺頭溼翠流霞頰尾疎明斷虹斜界雨新晴
煙村燈火晚江浦画難成我向其間泛槩終朝露渚
風汀老來心事最關情不堪三弄笛吹作斷腸聲

輓繡毬

和康伯
可韵

流水奏鳴琴風月淨天無星斗翠嵐堆裏蒼岩深
處滿林霜膩暗香凍了那禁頻嗅馬上再

三回首因記省去年時候十分全似那人風韻
柔腰弄影冰聰退做成清瘦

眼兒嬌

南枝消息杳然間寂莫倚雕欄紫腰豔豔青腰
裊裊風月俱閒佳人環珮玉欄珊作惡探花
還玉纖撚粟櫻唇呵粉愁點眉彎

菩薩蠻

日高猶戀珊瑚枕羞紅不忿花如錦雙燕運芹

泥燕歸人未歸 縱饒梳洗罷朱戶何曾跨寂
莫小房攏回文和淚封

鷓鴣天

落魄東吳二十春 風流詩句得清新 今年却恨

花星照再見溫卿與遠真

京口妓魁
趙柔陳玉

分楚佩

染巫雲赤繩結得短花茵 若非京口初相識安
得毘陵作故人

浪淘沙

綠樹轉鳴禽已是春深楊花庭院日陰陰簾外
飛來雙語燕不寄歸音舊事嬾追尋空惹芳
心天涯消息遠沉沉記得年時中酒後直至而
今

謁金門

春睡足簾捲翠屏山曲芳草沿階橫地軸垂楊
相映綠暗憶舊歡難續又是禁煙傳燭陌上
踏青新結束秋千誰共促

侍香金童

一種春光占斷東君惜算穠李昭華爭竝得粉
膩酥融嬌欲滴端的尊前舊曾相識向夜闌
酒醒霜濃寒又力但只與冰姿添夜色繡幙銀
屏人寂寂只許劉郎暗傳消息

菩薩蠻

新晴庭戶春陰薄東風不度重簾幙第幾小蘭
房雛鶯初弄黃悄寒春未透不解尋花柳只

恐漸春深愁生求友心

清平樂

紫簫聲斷窗底春愁亂試著春衫羞自看窄似
年時一半一春長病厭厭新來愁病重添香
冷倦熏金鴨日高不捲珠簾

好事近

齒頰帶餘香馨咳總成珠玉剪碎袖羅花片點
金觥春綠玉魚花露自清涼涓涓在郎腹猶

惜香樂府

卷之十一
一百十九

汲古閣

勝望梅消渴對文君眉蹙

思越人

何刻品
令誤

好事客宮商內吟得風清月白主人幸有豪家
意後堂煞有春色花壓金翹俏相映酒滿玉
纖無力你若待我些兒酒儘喫得得得

武陵春

落了丹楓殘了菊秋色苦無多誰喚西風泣淚
羅吹恨入星河碧枝頭上金粟開曾排翠雲

窩重揉檀英憶兩娥無奈冷香何

長卿自號仙源居士蓋南豐宗室也不拙志終身
獨安心風雅每遇花間鶯外輒筋詠自娛鄉貢進
士劉澤集其樂府以春景夏景秋景冬景及總詞
賀生辰補遺類編釐為十卷雖未敢與南唐二主相
伯仲方之徽宗則迥出雲霄矣湖南毛晉識

惜香樂府

卷之十
一百二十

汲古閣

惜香樂府卷十

終